



LVdovicus ille ex illustrissima Lādgrauorum
 Hassiæ familia natus est, q̄ multis animi & cor-
 poris uirtutibus præditus fuit. Itaq̄ post patris obi-
 tum eius in locum ditionis suæ administrationē su-
 scipit, atq̄ magna authoritate & prudentia subdi-
 tos gubernauit, anno Domini 1410. Cum hoc mo-
 do magna gloria inter principes ageret, ab electo-
 ribus Imperij Cæsar electus fuit. Verum is cum in-
 tellexisset, Cæsaream maiestatem multis literis &
 linguis ornatam esse debere, ut tãtam Imperij mo-
 lem commodè administrare possit, magna mode-
 stia id recusauit, atq̄ sua sorte cōtentus fuit. Maluit
 enim paruo imperio à parētibus relicto laude præ-
 esse, quàm magnum accipiens dissipare. Quanquam autem is Latinam lin-
 guam communi principum eius tempore more ignoraret, tamen erat legum
 egregius cultor. Itaq̄ quoties Iuris Doctores coram eo causam aliquam uen-
 tilarent, iussit sibi patrio sermone leges exponi, ut commodius quid Iuris es-
 set intelligeret.